



MØTEINNKALLING

Utval: Formannskapet
Møtedato 24.03.2022
Møtetid: Kl. 15:00
Møtestad: Kommunestyresalen - kommunehuset

Varamedlem skal ikkje møta utan nærare innkalling

Forfall til møtet må meldast snarast råd til servicesenteret (tlf. 56 58 74 00 eller e-post postmottak@samnanger.kommune.no), som vil kalla inn varamedlem.

Me ber om at alle som kan vera ugilde i ei eller fleire saker på sakslista melder frå om dette til servicesenteret.

Knut Harald Frøland
ordfører

SAKLISTE

Saker til handsaming på møtet

Sak nr.	Arkivsak	Sakstittel	Merknad
009/2022	22/202	Godkjenning av innkalling og sakliste	
010/2022	22/202	Faste saker	
011/2022	22/65	Handsaming av søknader om kompensasjonstilskot i samband med koronapandemien - midlar frå tildelingsrunde 6/2021	
012/2022	22/1	Høyringsuttale til forslag om endringer i domstolstrukturen	
013/2022	18/1508	Vigselsmynde for rådmann Ove Sæbø	

Oversikt faste saker

- Godkjenning av innkalling og sakliste
- Eventuelle merknader til protokoll frå førre møte
- Orienterings-/referatsaker
- Utvalet sitt kvarter



SAKSFRAMLEGG

Sakshandsamar: Marianne Soleng	Arkivkode: FE-033
Arkivsaksnr: 22/202	Løpenr: 22/2245
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	24.03.2022	009/2022

Godkjenning av innkalling og sakliste

Rådmannen sitt framlegg til vedtak:

- Innkalling og sakliste vert godkjent.



SAKSFRAMLEGG

Sakshandsamar: Marianne Soleng	Arkivkode: FE-033
Arkivsaksnr: 22/202	Løpenr: 22/2246
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	24.03.2022	010/2022

Faste saker

Rådmannen sitt framlegg til vedtak:

- Orienterings-/referatsaker vert tekne til orientering.

Oversikt over faste saker:

Eventuelle merknader til protokoll frå førre møte.

Orienterings-/referatsaker.

Utvalet sitt kvarter.

**SAKSFRAMLEGG**

Sakshandsamar: Jan Erik Boge	Arkivkode: FE-223
Arkivsaksnr: 22/65	Løpenr: 22/2132
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	24.03.2022	011/2022

Handsaming av søknader om kompensasjonstilskot i samband med koronapandemien - midlar frå tildelingsrunde 6/2021**Rådmannen sitt framlegg til vedtak:**

Samnanger kommune vart i desember 2021 tildelt 424 000 kroner frå staten til vidareformidling til lokale verksemder, som kompensasjonstilskot i samband med koronapandemien. Dette var staten sin sjette tildelingsrunde av slike midlar i 2021. Kommunen skal vidareformidla midlane i denne tildelingsrunden etter reglane for den notifikerte paraplyordninga som vart godkjent av ESA 16.04.2021.

Samnanger kommune gir i denne tildelingsrunden tilskot til følgjande lokale verksemder som har hatt inntektsstap og/eller ekstrakostnader som følgje av smitteverntiltak og nedstenging under koronapandemien:

Søkjjar/verksemd	Tilskot
Bjørkheim Kro og Motell AS	61 000
Ine's Hudpleieklinikk	40 000
Milano Pizzeria Bjørkheim	24 000
Muir Cateringservice	26 000
Thor Egil Nilsen (utleige av ferieleilegheit)	25 000
Thea Marie Steinsland (frisør)	100 000
Kate Hege Totland (frisør)	148 000
Sum	424 000

Dokument som er vedlagt:

Tilskotsbrev frå Kommunal- og regionaldepartementet - runde 6/2021

Oversikt frå departementet - Fordeling av midlar runde 1 til 6/2021

Kunngjeringstekst for forlenga utlysing med søknadsfrist 13.03.2022

Søknad - Bjørkheim Kro og Motell

Søknad - Ine's Hudpleieklipp
Søknad - Milano Pizzeria
Søknad - Muir Cateringservice
Søknad - Thor Egil Nilsen
Søknad - Thea Marie Steinsland
Søknad - Kate Hege Totland

Kva saka gjeld:

Samnanger kommune vart i desember 2021 tildelt 424 000 kroner frå staten til vidareformidling til lokale verksemder, som kompensasjonstilskot i samband med koronapandemien. Dette var staten sin sjette tildelingsrunde av slike midlar til kommunar i 2021. Samnanger fekk tildelt midlar til vidarefordeling i fire av desse rundane. Det går fram av staten sitt tilskotsbrev at målet med sjette tildelingsrunde er å avhjelpa lokale verksemder som er ramma av lokale eller nasjonale smitteverntiltak. Målet er at likviditeten skal betrast for det lokale næringslivet og at verksemdene får dekkja dokumenterte meirkostnader og/eller dokumenterte tap som følgje av smitteverntiltak og nedstenging.

Departementet sitt tildelingsbrev følgjer vedlagt. I brevet står det mellom anna følgjande:

- Departementet forventar at kommunane tildelar midlane raskast mogleg for å betra situasjonen for bedrifter og deira tilsette.
- Departementet ber kommunane om å bruka den såkalla *notifiserte ordninga* for alle tilskot i sjette tildelingsrunde.
- Verksemder som var i vanskelegheiter per 31.12.2019, kan ikkje tildelast støtte.

Opprinneleg søknadsfrist for verksemder i Samnanger

Samnanger kommune kunngjorde 13.01.2022 midlane i sjette runde i 2021, med søknadsfrist 27.01.2022. Det kom inn søknader frå sju næringsdrivande i kommunen innan søknadsfristen. Sak om fordeling av midlane vart lagt fram for formannskapet 10.02.2022 (sak FORM 004/2022). Formannskapet vedtok der å senda saka vidare til kommunestyret utan tilråding. Kommunestyret fekk saka til handsaming 24.02.2022 (sak KS 004/2022). Til kommunestyremøtet 24.02.2022 hadde rådmannskontoret også utarbeidd eit notat med ny/utfyllande informasjon. Kommunestyret gjorde 24.02.2022 følgjande vedtak:

“Tildelinga av kompensasjonsmidlar vert utsett. Søknadsfristen for å søkja vert forlengd til 11. mars. Samtidig skal rådmannen be om meir dokumentasjon frå søkerane på inntektstap/auke utgifter, i dei tilfella dette vert vurdert som nødvendig. Rådmannen legg så revidert sak fram for formannskapet, som får fullmakt til å gjera vedtak i sitt neste møte, 24.03.2022.”

Ny søknadsfrist for verksemder i Samnanger:

På bakgrunn av kommunestyret sitt vedtak 24.02.2022, vart søknadsordninga publisert på nytt i regionalforvaltning.no 02.03.2022. Det vart før publiseringa gjort nokre endringar i kunngjeringsteksten (d.v.s. endringar i forhold til kunngjeringa frå 13.01.2022). Desse endringane vart mellom anna gjort for at det skulle vera enklare for kommunen å tildela midlane. Den viktigaste endringa var å fjerna vilkåret om at tilskot berre kunne gjevast til tap i perioden november 2021 – januar 2022.

Den forlenga søknadsfristen vart av praktiske årsaker sett til søndag 13.03.2022. Kopi av kunngjeringsteksten frå 02.03.2022 følgjer vedlagt. Søknadsordninga vart 03.03.2022 også kunngjort i lokalavisa Samningen og på kommunen si heimeside.

I kunngjeringsteksten frå 02.03.2022 står det følgjande om kven som kan søkja om kompensasjon:

Kven kan søkja om kompensasjon?

Kommunen har fridom til å tilpassa kva verksemdar som skal få støtte, avhengig av den lokale situasjonen knytt til nedstenging og tapt omsetnad. Samnanger kommune vel i denne runden å fordela midlane til verksemdar som kan dokumentera tapte inntekter og/eller meirkostnader under pandemien. Kommunen vil eventuelt prioritera verksemdar som ikkje har søkt om/fått koronastøtte tidlegare. Ut frå det totale talet på søkjarar og søknadsbeløp vil kommunen gjera vedtak om tildeling. Tildelinga av støtte vil til ein viss grad vera basert på skjønn.

I kunngjeringsteksten frå 02.03.2022 er det også informert om kva søknaden må innehalda:

Krav til søknad:

Søknaden må registrerast og sendast gjennom www.regionalforvaltning.no.

Søknaden må innehalda følgjande:

- Kontaktopplysningar og organisasjonsnummer
- Informasjon om økonomi: tapte inntekter og/eller meirkostnader
- Grunngeving for søknaden
- Dokumentasjon som synleggjer tapte inntekter/auka kostnader under koronapandemien. Dette kan for eksempel vera rekneskap eller omsetningstal for 2019, 2020 og 2021 (for 2021 kan ein leggja ved førebels rekneskap).
- Informasjon om eventuell anna offentleg stønad som verksemda har søkt om og/eller motteke under koronapandemien.

Rådmannskontoret har i samband med forlenginga av søknadsfristen hatt eit godt samarbeid med Samnanger Næringsforum v/leiar Knut Bjørnås. Han har mellom anna teke kontakt med dei verksemdene (søkjarane) som det var behov for å få meir dokumentasjon frå. Han har også hatt annan nødvendig kontakt med alle søkjarverksemdene.

Det melde seg ingen nye nye søkjarar innan søknadsfristen 13.03.2022. Det er derfor framleis sju søkjarar, men fleire av søkjarane har no sendt inn meir dokumentasjon enn dei gjorde i den opprinnelege søknaden sin. Ein av søkjarane har også redusert søknadsbeløpet sitt.

Oversikt over søknader pr. 13.03.2022:

Verksemd	Søknadsbeløp pr. 13.03.2022	Opprinneleg søknadsbeløp
Bjørkheim Kro og Motell AS	95 173	95 173
Ine's Hudpleieklinikk	100 000	100 000
Milano Pizzeria Bjørkheim	120 000	702 335
Muir Cateringservice	66 000	66 000
Thor Egil Nilsen (ferieleilighet)	84 800	84 800
Thea Marie Steinsland (frisør)	200 833	200 833
Kate Hege Totland (frisør)	295 108	295 108
Sum	961 914	1 544 249

Gjennomgang og vurdering av søknadane:

Det er etter at søknadsfristen gjekk ut 13.03.2022 gjort ei ny vurdering av alle søknadane, basert på kunngjeringsteksten frå 02.03.2022. Nedanfor følgjer gjennomgang og vurdering av søknadane.

Bjørkheim Kro og Motell AS

Verksemda har tidlegare motteke koronastøtte på i alt 200 000 kroner frå Samnanger kommune, ref. kommunestyrevedtak i sak 010/2021 (100 000 kroner) og 049/2021 (100 000 kroner). Desse stønadsmidlane vart gitt til høvesvis kontaktfri servering (sak 010/2021) og kompensasjon for nedgang i inntekter frå arrangement og utleige (sak 049/2021). I kvar av desse to søknadsrundane søkte verksemda om støtte på 250 000 kroner.

Det er i søknaden også opplyst at verksemda også har fått tilskot frå Skatteetaten i koronaperioden («tilskot kompensasjonsordning»), i alt 224 616 kroner.

Verksemda søker no om støtte på 95 173 kroner, som kompensasjon for tapte rominntekter i periodane november 2020 – januar 2021 og november 2021 – januar 2022. Tapet er rekna ut i forhold til rominntektene verksemda hadde i perioden november 2019 – januar 2020. Utrekninga av inntektstap på kr. 95 173 er lagt ved søknaden, og ligg også som vedlegg til dette saksframlegget. Det ser ut til at det er verksemda som har gjort denne utrekninga sjølv. Dokumentasjon på grunnlaget for utrekninga er ikkje lagt ved.

Rådmannen tilrår at Bjørkheim Kro og Motell får eit tilskot på ca. 64 % av søknadssummen, d.v.s. 61 000 kroner. Det er i vurderinga lagt vekt på at denne verksemda har mange tilsette (ca. 7-8 årsverk), og at verksemda av omsyn til talet på arbeidsplassar bør prioriterast i forhold til søkerar som er einmannsføretak. Det er også teke noko omsyn til at verksemda har motteke støtte frå Skatteetaten, samt at verksemda har motteke koronastøtte frå kommunen tidlegare. I tillegg er det lagt vekt på den totale disponible tilskotssummen som kommunen har til fordeling i denne runden.

Ine's Hudpleieklinikk

Verksemda har ikkje motteke koronastøtte frå Samnanger kommune tidlegare.

Verksemda søkte om koronastøtte frå kommunen i tildelingsrunde 4/2021, men oppfylte då ikkje søknadsvilkåra og vart ikkje innvilga støtte. Tildelingsrunde 4/2021 gjaldt verksemder som hadde økonomisk tap knytt til turisme frå land utanfor EØS-området.

Det er i søknaden også opplyst at verksemda ikkje har motteke anna offentleg støtte.

Verksemda søker no om støtte på 100 000 kroner, som kompensasjon for tap av inntekt på behandlingar. Vedlagt søknaden er ei utrekning av inntektstap på behandlingar i 2020 og 2021 i forhold til inntektene i 2019. Denne utrekninga viser eit inntektstap på til saman 119 780 kroner i 2020 og 2021. Årsaka til inntektstapet er mellom anna at verksemda vart pålagt å stenga i seks veker frå 12.03.2020, at det har vore mange avbestillingar frå kundar på grunn av sjukdom samt at verksemda har heldt stengt i fleire veker gjennom året i både 2020 og 2021.

Rådmannen tilrår at Ine's Hudpleieklinikk får eit tilskot på 40 % av søknadssummen, d.v.s. 40 000 kroner. Det er i vurderinga lagt vekt på at verksemda har hatt eit dokumentert inntektstap i 2020 og 2021, og at noko av dette inntektstapet bør kompenserast. Det er også lagt vekt på at dette ikkje er ei verksemd som har fleire arbeidsplassar. I tillegg er det lagt vekt på den totale disponible tilskotssummen som kommunen har til fordeling i denne runden, samt at verksemda ikkje har fått koronastøtte frå kommunen tidlegare.

Milano Pizzeria Bjørkheim

Verksemda har tidlegare motteke koronastøtte på 100 000 kroner frå Samnanger kommune, ref. kommunestyrevedtak i sak 049/2021. Desse stønadsmidlane vart gitt som kompensasjon for inntektstap som følgje av stenging og redusert stengetid. Søknadssummen til Milano Pizzeria Bjørkheim i sak 049/2021 var 700 000 kroner.

Det er i søknaden opplyst at verksemda ikkje har motteke anna offentleg støtte.

Milano Pizzeria Bjørkheim søker no om støtte på 120 000 kroner. I den opprinnelege søknaden som verksemda sende i januar 2022 søkte verksemda om støtte på 702 335 kroner, men dei har no redusert søknadssummen vesentleg. Det er i søknaden ikkje opplyst kvifor søknadssummen er redusert, eller kva som er bakgrunnen for at søknadssummen er 120 000 kroner.

Vedlagt søknaden er kopi av næringsoppgåve 1 / oversikt over personinntekt frå enkeltpersonføretak/personleg næringsdrivande for kvart av åra 2018, 2019, 2020 (desse vedlegga ligg ikkje ved dette saksframlegget). Vedlegga viser positiv personinntekt i 2018 og 2019, og negativ personinntekt i 2020. Differansen mellom 2018/2019 og 2020 er på mellom 365 000 og 385 000 kroner. Det går ikkje klart fram av vedlegga kva enkeltpersonføretak dei gjeld, og det er derfor vanskeleg å «godkjenne» desse som tilstrekkeleg dokumentasjon for inntektstap/tilsvarande for Milano Pizzeria Bjørkheim. Det er også eit moment at Milano Pizzeria Bjørkheim ikkje starta opp drifta (fekk serveringsløyve) før i mars 2019. Tala for 2018 er derfor lite relevante.

Det er uansett grunn til å rekna med at Milano Pizzeria Bjørkheim har hatt redusert omsetnad i perioden med koronatiltak i 2020 og 2021. Dette var også bakgrunnen for at verksemda fekk 100 000 kroner i kommunal koronastøtte i kommunestyresak 049/2021.

Rådmannen si vurdering er at det bør innvilgast noko støtte til Milano Pizzeria Bjørkheim også i denne søknadsrunden, men at det som følgje av mangelfull dokumentasjon berre bør gjevast eit relativt lite beløp. Det vert foreslått at det blir gitt eit tilskot på 20 % av søknadssummen, d.v.s. 24 000 kroner. Det er i vurderinga av søknaden også lagt vekt på at verksemda har fått 100 000 kroner i koronastøtte frå kommunen tidlegare. I tillegg er det lagt vekt på den totale disponible tilskotssummen som kommunen har til fordeling i denne runden.

Muir Cateringservice

Verksemda har ikkje motteke koronastøtte frå kommunen tidlegare.

Verksemda søkte om koronastøtte frå kommunen i tildelingsrunde 4/2021, men oppfylte då ikkje søknadsvilkåra og vart ikkje innvilga støtte. Tildelingsrunde 4/2021 gjaldt verksemdar som hadde økonomisk tap knytt til turisme frå land utanfor EØS-området.

Det er i søknaden også opplyst at verksemda ikkje har motteke anna offentleg støtte.

Muir Cateringservice søker no om støtte på 66 000 kroner, som kompensasjon for inntektstap i 2021. Muir Cateringservice vart starta opp i mars 2021. I vedlegg til søknaden opplyser søkjaren at forventa brutto omsetnad i 2021 var 150 000 kroner, og 300 000 kroner i 2022.

Det er i søknaden opplyst at firmaet omsette for rundt 75 000 kroner brutto i 2022 (sakshandsamar reknar med at rett årstal her skal vera 2021). Det går fram av søknaden at fleire oppdrag vart avlyst i 2021 på grunn av korona, mellom anna ein konfirmasjon, eit bryllaup og heile julematseongen.

Det er også opplyst i søknaden at verksemda ikkje har rekneskap for 2021, då dette kjem i 2022.

Det vil måtte brukast skjønn når det skal takast stilling til denne søknaden, fordi det er ei nystarta verksemd som ikkje har moglegheit til å dokumentera tap i forhold til tidlegare år.

Rådmannen si vurdering er at det bør innvilgast støtte til Muir Cateringservice, med ca. 40 % av søknadssummen, d.v.s. 26 000 kroner. Det er i vurderinga lagt vekt på at verksemda etter alt å døme har hatt eit inntektstap i 2021. Det er også lagt vekt på at dette ikkje er ei verksemd som har fleire arbeidsplassar. I tillegg er det lagt vekt på den totale disponible tilskotssummen som kommunen har til fordeling i denne runden, samt at verksemda ikkje har fått koronastøtte frå kommunen tidlegare.

Thor Egil Nilsen (utleige av ferieleilegheit)

Verksemda har tidlegare motteke koronastøtte på 20 000 kroner frå Samnanger kommune, ref. kommunestyrevedtak i sak 049/2021. Desse stønadsmidlane vart gitt som kompensasjon for inntektstap (leigeinntekter) for kansellerte bestillingar i 2020 og 2021.

Verksemda søkte også om koronastøtte frå kommunen i tildelingsrunde 4/2021, men oppfylte då ikkje søknadsvilkåra og vart ikkje innvilga støtte. Tildelingsrunde 4/2021 gjaldt verksemdar som hadde økonomisk tap knytt til turisme frå land utanfor EØS-området.

Thor Egil Nilsen søker no om støtte på 84 800 kroner, som kompensasjon for inntektstap i mai, juni og juli 2021 (72 000 kroner i tapte leigeinntekter og 12 800 kroner i tap på utleige av båt m/motor).

Vedlagt søknaden følgjer tal frå rekneskapen til verksemda. Der går det fram at inntektene på utleige av ferieleilegheit (rorbu) og båt var på 72 134 kroner i 2019, 6 400 kroner i 2020 og 25 160 kroner i 2021. Dette indikerer at verksemda sine inntekter til saman vart redusert med om lag 113 000 kroner i 2020 og 2021. Vedlagt søknaden er også kopi av formidlingsavtale mellom verksemda og firmaet DanCenter samt kopi av brev frå kommunen med informasjon om tildeling av koronastøtte i 2021 (desse to vedlegga ligg ikkje ved dette saksframlegget).

Rådmannen si vurdering er at det bør innvilgast støtte til Thor Egil Nilsen, med ca. 30 % av søknadssummen, d.v.s. 25 000 kroner. Det er i vurderinga lagt vekt på at verksemda har hatt eit dokumentert inntektstap både i 2020 og 2021. Det er også lagt vekt på at verksemda mottok 20 000 kroner i koronastøtte frå kommunen i 2021, og at dette ikkje er ei verksemd som har fleire arbeidsplassar. I tillegg er det lagt vekt på den totale disponible tilskotssummen som kommunen har til fordeling i denne runden.

Thea Marie Steinsland (frisør)

Verksemda har ikkje fått eller søkt om koronastøtte frå Samnanger kommune tidlegare. Det er i søknaden også opplyst at verksemda ikkje har motteke anna offentleg støtte.

Verksemda søker no om støtte på 200 833 kroner, som kompensasjon for inntektstap i 2020 (179 037 kroner) og 2021 (21 796 kroner). Inkludert i summen for 2020 er tapt inntekt som følgje av seks veker nedstenging frå 12.03.2020. Resten av summen er basert på berekna tap i inntening pr. månad i forhold til før koronapandemien.

Vedlagt søknaden er:

- Omsetningsoppgåver for 2019, 2020 og 2021
- Resultatrekneskap 2021 samanlikna med 2020
- Næringsoppgåver for 2019 og 2020. Desse ligg ikkje som vedlegg til dette saksframlegget.

Vedlegga viser at verksemda har hatt redusert omsetning/inntening etter at koronapandemien «slo til» for fullt i Noreg i mars 2020. Det er ikkje klart for sakshandsamar nøyaktig korleis søkjaren har rekna ut summene i søknaden, men sakshandsamar har ikkje grunn til å tru at summene i søknaden er feil. Søkjaren har så vidt sakshandsamar forstår hatt permisjon i delar av koronaperioden, og dette er årsaka til at verksemda ikkje hadde omsetning i perioden veke 44/2020 – 35/2021.

Rådmannen si vurdering er at det bør innvilgast støtte til Thea Marie Steinsland, med ca. 50 % av søknadssummen, d.v.s. 100 000 kroner. Det er i vurderinga lagt vekt på at verksemda har hatt eit dokumentert inntektstap både i 2020 og 2021. Det er også lagt vekt på at dette er ei verksemd som ikkje har fleire arbeidsplassar, samt at verksemda ikkje har fått koronastøtte frå kommunen tidlegare. I tillegg er det lagt vekt på den totale disponible tilskotssummen som kommunen har til fordeling i denne runden.

Kate Hege Totland (frisør)

Verksemda har ikke fått eller søkt om koronastøtte frå Samnanger kommune tidlegare. Det går fram av søknaden at verksemda mottok 13 175 kroner i offentlig støtte frå Skatteetaten i 2020.

Verksemda søker no om støtte på 295 108 kroner, som kompensasjon for inntektstap i 2020 (177 000 kroner) og 2021 (118 108 kroner). Søknadsbeløpa gjeld tap i samband med seks veker full nedstenging av frisørsalongen våren 2020 og delvis nedstenging i november/desember 2021.

Vedlagt søknaden er:

- Omsetningsoppgåve for periodane 13.03.2019 – 26.04.2019 og 13.03.2020 – 26.04.2020
- Omsetningsoppgåve for periodane 01.11.2020 – 18.01.2021 og 01.11.2021 – 18.01.2022

Vedlegga dokumenterer det omsetningstapet som er oppgitt (søkt om) i søknaden.

Rådmannen si vurdering er at det bør innvilgast støtte til Kate Hege Totland, med ca. 50 % av søknadssummen, d.v.s. 148 000 kroner. Det er i vurderinga lagt vekt på at verksemda har hatt eit dokumentert inntektstap både i 2020 og 2021. Det er også lagt vekt på at dette er ei verksemd som har ein tilsett i tillegg til eigar, samt at verksemda har ikkje har motteke koronastøtte frå kommunen tildlegare. Det er også teke omsyn til at verksemda har motteke noko støtte frå Skatteetaten. I tillegg er det lagt vekt på den totale disponible tilskotssummen som kommunen har til fordeling i denne runden.

Samandrag av rådmannen sitt forslag til tildeling av tilskot:

Verksemd	Søknads-beløp	Forslag til tilskot	Forslag til tilskot i prosent av søknadssum
Bjørkheim Kro og Motell AS	95 173	61 000	64 %
Ine's Hudpleieklinikk	100 000	40 000	40 %
Milano Pizzeria	120 000	24 000	20 %
Muir Cateringservice	66 000	26 000	40 %
Thor Egil Nilsen (ferieleilegheit)	84 800	25 000	30 %
Thea Marie Steinsland (frisør)	200 833	100 000	50 %
Kate Hege Totland (frisør)	295 108	148 000	50 %
Sum	961 914	424 000	



SAKSFRAMLEGG

Sakshandsamar: Jan Erik Boge	Arkivkode: FE-060
Arkivsaksnr: 22/1	Løpenr: 22/2063
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	24.03.2022	012/2022
Kommunestyret		

Høyringsuttale til forslag om endringer i domstolstrukturen

Rådmannen sitt framlegg til vedtak:

Saka blir lagt fram utan tilråding.

Dokument som er vedlagt:

Departementet sitt høyringsbrev
Departementet sitt høyringsnotat

Dokument som ikkje er vedlagt:

- [Forskrift 22. januar 2021 nr. 163 om inndelingen av rettskretser og lagdømmer](#)
- [Forskrift 11. desember 2020 nr. 2714 om inndeling i jordskiftesokn og tilordning til lagmannsrettane](#)
- [Forskrift 15. november 2019 om inndelingen av domssogn og lagdømmer \(oppheva\)](#)
- [Forskrift 11. desember 2015 om inndeling i jordskiftesokn og tilordning til lagsmannsrettane \(oppheva\)](#)
- [Prop. 11 L \(2020-2021\) - Endringer i domstolloven \(domstolstruktur\)](#)

Kva saka gjeld:

Justis- og beredskapsdepartementet sende 26.01.2022 forslag om endring i domstolstrukturen på høyring. Høyringsfristen er 26.04.2022. Departementet foreslår at strukturen for domstolane frå før domstolreforma 2021 i utgangspunktet blir gjeninnført. I departementet sitt høyringsbrev blir det vist til følgjande punkt i regjeringsplattforma for den noverande regjeringa (Hurdalsplattforma):

- «Gjeninnføre strukturen for domstolane før domstolsreforma av 2021 for å ivareta borgaranes rettstryggleik og sikre sjølvstendige domstolar med stadleg leiing, med unntak for domstolar der domstolsleiar, kommunane i rettskretsen og dei tilsette gjennom sine tillitsvalde er samde om å oppretthalde dagens struktur.»

Høyringa er publisert på regjeringa sine nettsider;

<https://www.regjeringen.no/no/dokumenter/horing-av-endringer-i-domstolstruktur/id2898429/>

Formannskapet bad 10.02.2022 om å få opp sak om denne høyringa til politisk handsaming før høyringsfristen.

Samandrag av departementet sitt forslag:

Departementet sitt forslag er beskrive i eit eige høyringsnotat. Departementet foreslår i høyringsnotatet følgjande:

1. **At strukturen for domstolane før domstolreforma 2021 i utgangspunktet skal gjeninnførast (punkt 3.1. i høyringsnotatet).** Jf. Hurdalsplattforma, meiner departementet at ei eventuell avgjerd om å behalda dagens domstolstruktur, må ha brei støtte hos domstolleiar, kommunar og tillitsvalde i rettskrinsen. Det går fram i punkt 5 i høyringsnotatet at domstoladministrasjonen har stipulert at utgiftene ved å gjeninnføra strukturen frå før domstolreforma 2021, vil vera om lag 75 mnok, med permanente årlege ekstraavgifter på 35 mnok. Departementet understrekar at desse estimata er usikre og må vurderast nærmare.
2. **Endringar i adgangen til felles leing for fleire domstolar (punkt 3.2.2 i høyringsnotatet).** Departementet foreslår ei endring i domstollova § 33 c andre ledd, slik at det berre unntaksvis skal vera adgang til å bestemma at to eller fleire domstolar skal ha felles domstolleiar.
3. **Betre samarbeid og styrking av sårbare domstolar (punkt 3.2.3 i høyringsnotatet).** Departementet ønskjer å iverksetja tiltak for å leggja til rette for betre samarbeid mellom domstolar og for å redusera sårbarheiten i mindre domstolar. I høyringsnotatet har departementet beskrive nokre moglege lovendringar og andre tiltak som vil kunne leggja til rette for dette. Departementet ber om høyringsinstansane sine vurderingar av desse moglege endringane/tiltaka, samt om innspel til eventuelle andre tiltak som kan iverksetjast for å betra ressursutnyttinga ved domstolane.

I høyringsnotatet ber departementet også om innspel frå høyringsinstansane om følgjande prinsipielle spørsmål:

1. **Andre moglege endringar.** I punkt 3.3 i høyringsnotatet skriv departementet at høyringsrunden også vil kunne avdekka behov for mindre justeringar av rettskrinsane, for eksempel ved overføring av enkelte kommunar gjennom rettskrinsane.
2. **Barnesakene (behandling av saker etter barnelova og barnevernlova).** I punkt 4.1 i høyringsnotatet har departementet beskrive nokre tiltak som kan styrka barns rettsikkerheit. Departementet viser der mellom anna til at tiltaka som er nemnt i punkt 3.2.3 om betre samarbeid og styrking av sårbare domstolar også truleg vil kunne ha ein positiv effekt for slike saker (barnesaker). Dei viser også til at regjeringa sitt forslag om å auka løyvingane til domstolane for å tilsetja fleire embetsdommarar ved mindre rettstader, vil redusera behovet for å bruka dommerfullmektigar i barnesaker. Departementet ber til slutt i punkt 4.1 om innspel frå høyringsinstansane til ytterlegare tiltak for å ivareta barn sin rettstryggleik.
3. **Den samiske dimensjonen.** I punkt 4.2 i høyringsnotatet har departementet beskrive nokre moglege tiltak for ivareta den samiske dimensjonen. Departementet skriv at saker med samiske interesser må behandlast av dommarar og domstolar som oppfyller dei same krava til kvalitet som i andre saker. Dette stiller krav til kunnskap om same- og urfolksrett i domstolane og kjennskap til dei samiske språka, samisk kultur og dei samiske samfunna. Departementet ber høyringsinstansane sitt syn på forslaga til tiltak, samt om innspel til andre tiltak for å ivareta den samiske dimensjonen.
4. **Jordskifterettane.** I punkt 4.3 i høyringsnotatet viser departementet til utfordringar for

jordskifterettane, mellom anna lav saksinngang, omfattande saker og rekrutteringsutfordringar. Departementet skriv at tiltaka som er foreslått i punkt 3.2.3 i høyringsnotatet (betre samarbeid og styrking av sårbare domstolar) også vil kunne ha effekt for jordskifterettane. Departementet ber om høyringsinstansane sine innspel til ytterlegare tiltak for å ivareta dei særlege utfordringane til jordskifterettane.

Gjennomgang av departementet sitt forslag om endringar i domstolstruktur:

Det vart i 2021 gjennomført ei domstolreform i Noreg. Situasjonen før denne reforma var som følgjer:

- 60 alminnelege domstolar (tingrettar) i første instans. Enkelte tingrettar hadde felles leiing og i alt var det 50 sorenskrivarar. Tingrettane var fordelt på 69 rettsstader (nokre få rettskrinsar hadde fleire rettsstader). Fire av rettstadene var utan fast bemanning.
- 34 jordskifterettar. Nokre jordskifterettar hadde felles leiing og i alt var det 28 jordskifterettleiarar. Jordskifterettane var lokalisert på 34 rettsstader. Ein av rettsstadene var utan fast bemanning.

Situasjonen etter domstolreforma i 2021 er som følgjer:

- 23 rettskrinsar for tingrettane. Kvar rettskrins har ein tingrett i første instans med ein eller fleire rettsstader, som dekkar ein eller fleire kommunar. Oversikt over rettskrinsane går fram av [Forskrift 22. januar 2021 nr. 163 om inndelingen av rettskretser og lagdømmer](#).
- 19 rettskrinsar for jordskifterettane. Oversikt over rettskrinsane går fram av [Forskrift 11. desember 2020 nr. 2714 om inndeling i jordskiftesokn og tilordning til lagmannsrettane](#).

Situasjonen for Samnanger kommune:

Før domstolreforma 2021	Etter domstolreforma 2021
<u>Tingrett:</u> Samnanger låg under Bergen tingrett, saman med kommunane Alver, Askøy, Austevoll, Austrheim, Bergen, Bjørnafjorden, Fedje, Gulen, Masfjorden, Modalen, Osterøy, Vaksdal, Voss og Øygarden. Kontorstad var Bergen.	<u>Tingrett:</u> Samnanger ligg under Hordaland tingrett, saman med kommunane Alver, Askøy, Austevoll, Austrheim, Bergen, Bjørnafjorden, Eidfjord, Fedje, Kvam, Masfjorden, Modalen, Osterøy, Ullensvang, Ulvik, Vaksdal, Voss og Øygarden. Hordaland tingrett består av tidlegare Bergen tingrett og Hardanger tingrett, og har rettsstader i Bergen og på Lofthus. (Tidlegare Hardanger tingrett omfatta kommunane Eidfjord, Kvam, Ullensvang og Ulvik, med Lofthus som kontorstad).
<u>Jordskifterett:</u> Samnanger låg under Nord- og Midhordland jordskifterett, saman med kommunane Alver, Askøy, Austevoll, Austrheim, Bergen, Bjørnafjorden, Fedje, Kvam, Masfjorden, Modalen, Osterøy, Vaksdal og Øygarden. Kontorstad var	<u>Jordskifterett:</u> Samnanger ligg under Hordaland jordskifterett, saman med kommunane Alver, Askøy, Austevoll, Austrheim, Bergen, Bjørnafjorden, Eidfjord, Fedje, Kvam, Masfjorden, Modalen, Osterøy, Ullensvang, Ulvik, Vaksdal, Voss og Øygarden.

Bergen. Nord- og Midhordland jordskifterett hadde felles leiing med Indre Hordaland jordskifterett. Indre Hordaland jordskifterett omfatta kommunane Eidfjord, Ullensvang, Ulvik og Voss. Kontorstad var Voss.	Hordaland jordskifterett består av tidlegare Nord- og Midhordland jordskifterett og Indre Hordaland jordskifterett, og har rettsstader i Bergen og på Voss.
---	---

Departementet sitt forslag er at domstolstrukturen skal endrast tilbake til slik den var før domstolreforma 2021. Samnanger vil i så fall igjen bli liggjande under **Bergen tingrett** og **Nord- og Midhordland jordskifterett**.

Bakgrunnen for domstolreforma 2021 og for Støre-regjeringa sitt forslag om å gjeninnføra den tidlegare domstolstrukturen

På side 5 i Solberg-regjeringa sin proposisjon [Prop. 11 L \(2020-2021\)](#) om endringar i domstollova, står det mellom anna følgjande om kva som var bakgrunnen for forslaget deira om endringar i domstolstrukturen:

«For at den enkelte skal få ivaretatt sine rettigheter og avklart sine plikter, må domstolene utføre oppgavene sine med høy kvalitet og innen rimelig tid. Domstolene må også være tilgjengelige og relevante for brukerne.»

«Regjeringen ønsker et likere domstoltilbud med sterke fagmiljøer i hele landet. For å oppnå dette anbefales det i denne proposisjonens meldingsdel (del I) å utvide tingrettenes og jordskifterettenes rettskretser, men beholde alle dagens rettssteder.»

«En utvidelse av rettskretsene vil gi mer fleksible organisasjoner med sterkere fagmiljøer. Større organisasjoner vil bedre ressursutnyttelsen og gjøre det mulig å utnytte effektiviseringspotensialet Riksrevisjonen beskriver i Dokument 3:3 (2019–2020).»

Støre-regjeringa ønskjer no å gjeninnføra domstolstrukturen slik den var før reforma i 2021. I høyringsnotatet frå Justis- og beredskapsdepartementet står det mellom anna følgjande om bakgrunnen for dette:

«Regjeringen ønsker å sikre innbyggerne i hele landet god rettssikkerhet og tilgjengelige tjenester. Tilgjengelige domstoler med nærhet til brukerne er viktig for tilliten til domstolene. Gjennom flere år har det vært en utvikling fra mindre lokale domstoler til større kollegiale enheter. Å ikke ha stedlig ledelse vil over tid kunne gå utover hvordan ressursene blir fordelt og svekke grunnlaget for å opprettholde lokale domstoler.»

«Regjeringen ønsker at domstolstrukturen har bedre lokal forankring.»

Det ser ut til at både Solberg-regjeringa og Støre-regjeringa har mange av dei same målsettingane for rettsvesenet (ivaretaking av rettssikkerheit m.m.), men at dei har ulike syn på korleis målsettingane best kan oppnåast. Skilnadene i syn går - som i fleire andre saker dei siste åra - mellom anna på om sentralisering eller desentralisering vil vera den beste «medisinen».

Vurderingar og konsekvensar

Domstolstruktur

For Samnanger kommune vil det truleg ha liten praktisk betydning om domstolstrukturen blir oppretthalden slik den er i dag, eller om den blir endra tilbake til slik den var før domstolreforma 2021. For andre kommunar i distriktet vil dette truleg ha større betydning. Dette gjeld spesielt for dei kommunane som fram til 2021 låg under høvesvis Hardanger tingrett og Indre Hordaland

jordskifterett. Rådmannen har ikkje tilråding om kva uttale Samnanger kommune eventuelt bør gje når det gjeld domstolstruktur.

Endringar i adgang til felles leing

Ref. punkt 3.2.2 i høyringsnotatet. Etter reglane i domstollova m/forskrift kan det i dag i «særlege tilfelle» fastsetjast at to eller fleire domstolar skal ha felles domstolleiar, men denne bestemmelsen har med dagens domstolstruktur ikkje nokon rell betydning. Dersom domstolstrukturen blir endra tilbake til slik den var før domstolreforma 2021, kan spørsmålet om felles leiar for meir enn èin domstol igjen bli aktuelt. Departementet foreslår å behalda ordninga med høve til å ha felles leing, men å gjera denne moglegheiten snevrare enn i dag. Det vil etter departementet sitt forslag berre unntaksvis vera høve til at to eller fleire domstolar skal ha felles domstolleiar. Det går fram i punkt 3.2.2 i høyringsnotatet at det er ei målsetting for regjeringa å sikra sjølvstendige domstolar med «stedlig ledelse».

For Samnanger kommune vil det truleg ha liten praktisk betydning om reglane blir som i dag, eller om reglane blir noko innsnevra slik departementet foreslår.

Betre samarbeid og styrking av sårbare domstolar

Ref. punkt 3.2.2 i høyringsnotatet, der ulike tiltak for betre samarbeid og styrking av sårbare domstolar blir drøfta. Det blir i denne saksutgreiinga ikkje gjort ei vurdering av dei forholda som blir drøfta i punkt 3.2.3.

Andre moglege endringar - justeringar av rettskrinsane

I punkt 3.3 i høyringsnotatet står det mellom anna at høyringsrunden vil kunne avdekka behov for mindre justeringar av rettskrinsane, for eksempel ved overføring av enkelte kommunar mellom rettskrinsane. Rådmannen har ikkje forslag til slike endringar.

Barnesakene

I punkt 4.1 i høyringsnotatet er det ein gjennomgang knytt til behandling av saker som gjeld barn sine interesser og rettssikkerheit. Rådmannen har ikkje konkrete forslag til innspel til ytterlegare tiltak for å ivareta barn sin rettstryggleik, men tidlegare saker både i Samnanger og andre stader i landet tyder på at dette er noko det er svært viktig å arbeida med.

Den samiske dimensjonen

Ref. punkt 4.2 i høyringsnotatet, der ulike forhold/tiltak knytt til den samiske dimensjonen blir drøfta av departementet. Det blir i denne saksutgreiinga ikkje gjort ei vurdering av dei forholda som blir drøfta i punkt 4.2.

Oppsummering:

Rådmannen vel å ikkje gje tilråding til vedtak i denne saka. Spørsmålet om «sentralisert» eller «desentralisert» domstolstruktur er i stor grad eit politisk spørsmål, som det truleg ikkje finst eit fasitsvar på. For Samnanger kommune vil det også truleg ha liten praktisk betydning om domstolstrukturen blir oppretthalden slik den er i dag, eller om strukturen blir tilbakeført til slik den var før domstolreforma 2021.



SAKSFRAMLEGG

Sakshandsamar: Jan Erik Boge	Arkivkode: FA-C84
Arkivsaksnr: 18/1508	Løpenr: 22/2060
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	24.03.2022	013/2022
Kommunestyret		

Vigselsmynde for rådmann Ove Sæbø

Rådmannen sitt framlegg til vedtak:

Ove Sæbø får vigselsmynde på vegner av Samnanger kommune med verknad frå 07.04.2022. Heimel for vedtaket er ekteskapslova § 12 bokstav b.

Dokument som ikkje er vedlagt:

- Ekteskapslova
(<https://lovdata.no/dokument/NL/lov/1991-07-04-47>)
- Rundskriv Q-11/2017 frå Barne og likestillingsdepartementet
(<https://www.regjeringen.no/no/dokumenter/rundskriv-q-11-2017-om-kommunale-vigsler/id2572038/>)

Kva saka gjeld:

Stortinget vedtok for nokre år sidan å overføra vigselsmynde frå domstolane til kommunane med verknad frå 01.01.2018. Reglar om kven i kommunen som har vigselsmynde står i ekteskapslova § 12 bokstav b:

- «ordførere, varaordførere og kommunalt ansatte eller folkevalgte som kommunestyret selv gir slik myndighet.»

I forarbeida til endringa i ekteskapslova 01.01.2018 vart det uttalt at det kan vera føremålstenleg at kommunen også har vigslarar som er politisk nøytrale.

Kommunestyret vedtok 16.11.2017 (sak 042/2017) å gje dåverande rådmann Charlotte Hageberg vigselsmynde. Tilsvarande vedtak vart gjort 16.09.2020 (sak 048/2020) for dåverande rådmann Ingebjørg Vamråk. Vigselsmyndet deira kom i tillegg til ordførar og varaordførar sitt vigselsmynde. Ordførar og varaordførar har som nemnt ovanfor lovbestemt tilsettingsmynde, jf. reglane i ekteskapslova § 12 bokstav b.

Vigselsmyndet som vert gitt til ein tilsett i kommunen, opphøyrer automatisk når ho/han sluttar i kommunen. Pr. i dag er det derfor berre ordførar og varaordførar som har kommunalt vigselsmynde i Samnanger.

Det vert no foreslått at noverande rådmann, Ove Sæbø, får vigselsmynde med verknad frå 07.04.2022.

Vigselsmynde gjeld for heile landet. Dette betyr at ein kommunal vigslar kan gjennomføra vigslar i heile landet, ikkje berre i den kommunen ho/han er folkevald eller tilsett i.

Det er kommunestyret som har mynde til å gjera vedtak om vigselsmynde.

Vurderingar og konsekvensar:

I rundskriv Q-11/2017 frå Barne- og likestillingsdepartementet står det mellom anna følgjande om kven som kan få vigselsmynde i tillegg til ordførar og varaordførar:

- «Kommunen må selv vurdere hvem som er egnet for oppgaven. Det er ikke krav om særlig kompetanse eller erfaring....»

Rådmannen ser det som naturleg at kommunen, i tillegg til ordføraren og varaordføraren, også har ein vigslar som er politisk nøytral. Pr. i dag vil det då vera naturleg at rådmann Ove Sæbø får vigselsmynde.

Det kan tenkjast to løysingar for å gje vigselsmynde til rådmannen:

1. Kommunestyret gir vigselsmynde på namn til den som er rådmann. Med dette alternativet må det gjerast nytt vedtak i kommunestyret ved skifte av rådmann.
2. Kommunestyret gjer vedtak om at den som til ei kvar tid er rådmann skal ha vigselsmynde.

Rådmannen foreslår at alternativ 1 ovanfor vert brukt. Bakgrunnen for dette er at rådmannskontoret forstår det slik at lovgjevar sin intensjon er at kommunalt vigselsmynde til andre enn ordførar og varaordførar bør gjevast til konkrete personar som vert vurderte som eigna for oppgåva.